



甘泉先生兩都風詠卷三

於席學士院池觀蓮讌集和張亭溪詹事二首  
兼呈同會諸公

清賞和風天不違花光水色麗相依盛將歌吹仍仙  
侶靜倚芙蓉謝宓妃終是直通憐碧幹不堪搖落看  
紅衣况逢夏盡秋來日酒觥還公滿意揮

玉井孤根何處峰移來天府翠雲從謾誇驟雨明珠  
過更看高秋碧實重出水羣仙天藻發臨池諸傑地  
靈鍾二難四美還堯日儘拚傷人笑醉容

題松臯圖

為許  
司徒



司徒家在萬松臯誰點雲烟入畫毫不覺披圖動遐  
想對公如見岳山高

題馬氏壽圖

蓬萊弱水何年淺王母蟠桃幾度偷若道長生卽無  
算海中何必計添籌

題友蘭爲伯彥

衆皆愛蘭名我獨愛蘭馨蘭名起人聽蘭馨養性靈  
幽蘭倚孤石石邊有叢竹節礪馨愈香君子當三益  
翰院觀蓮歌次韻和諸公壬辰六月二十日  
蓮溪愛蓮非愛蓮天機漏泄聖學傳耶溪新粧紅十

聖紛紛開落同葭葉整坡東畔玉堂東池蓮倒映天  
光中一般外直還中通君子之賞清興同頓令退藏  
心已洗何必區區色香相旂旒下有靈根如磨泥不  
染淤泥出清泚空聞無物不惹塵此花卽物如入神  
入神當是花之聖眞識還他春陵人遶欄賞者四方  
彥瀛州學士開清讌移時歌鼓相喧闐回首坐姿一  
顧盼酒徒歷歷皆詩豪筆端浩浩生波濤揮洒繩牀  
客如堵殺盡中山萬兔毫酒闌客散文章伯此花自  
媚寧瀟索重來嘉會在何時花餘歲晚仍食實

再和觀蓮歌呈諸公

六月二十三日



空流空說火中能生蓮。清水芙蓉天然人莫傳。水火相去謬千里。奚啻美玉雜葭葦。月之西兮日之東。日月奔走無窮中。宇宙無窮一氣通。天地萬物吾體同。牡丹粧點春富貴。又何以天繡芙蓉出清泚。看花看色眼尚塵。看花須看花精神。見之不識識不見。如公方是觀蓮人。無窮宇宙不知觀者幾。千萬億神聖彥。須臾聚散如一讌。因嗟此讌休。草草荏苒光陰不能以轉盼。將軍一去隨華豪。江花落盡空江濤。禪風區區是窠堵。太山不察與秋毫。歸盡皇玉及帝伯。雪月

風花未窮索。大都當作觀蓮觀。閑與諸公食勝實。

卽次韻和桂洲公夏日試就職貢上有感示

僚屬兼慰諸生之作壬辰六月二十五日

階前臨試鶴和鳴。忽悟天機感處生。在物飛鳴有何意。衆生得失謾留情。青天座上人皆見。澄鑑空中爾自明德業。無窮前路在古人。一善恥成名。

卽席和桂洲公次韻郭杏東觀蓮二首壬辰六月二十

六日

暑氣初收過雨餘。晚風更爲淨芙蓉。卽看勝景須遊賞。已見么荷迤卷舒。孤榦擎天張翠蓋。五銖迎日颺



輕裾諸公總是瀛洲客從此來觀莫作踈  
只到聞歌心已生瀛洲仙客舊逢迎已知高韻能超  
俗不道新詩更解醒濂洛獨觀惟茂叔西湖一曲想  
雲卿哲人已往不可見溪上空餘萬古情

再和桂洲公疊杏東觀蓮韻二首

壬辰六月二十七日

不足天交對有餘白鷗飛處起紅蕖一江月水客還  
否萬古興哀雲卷舒我相茹芝非食肉公文玉珮與  
瓊裾秋風欲動歸來賦老髮秋來無盡踈

高歌拍拍有春生老我下階倒屣迎便見三嘆有餘  
韻何須五斗解宿醒呼兒入室取毛穎起自登壇揮

墨卿若云坡老吾豈敢惟於唱和見真情

次韻廖洞野院中觀蓮四首

壬辰六月二十九日

御氣通龍閣花光接鳳池清香超聖品靜直不凡姿  
過雨添詩興新荷當酒卮還聞君子德在遠亦相宜

又

天然元不作清水出芙蓉自挹瀛洲秀因思太華峰  
神清天所降根淨地攸鐘若就觀蓮賦名書必蔡邕

又

縹緲姮娥府璀璨璧玉堂大千嬉日旭尺五接天光  
不着羣花色無聞自性香誰云衰白叟無筭尚能觴



又

接引誰仙子觀蓮無極翁浴神羣玉府弄化水晶宮  
杯酒頻經眼芙蓉不耐風及時雖領略真賞在收功  
走筆次韻和少司空林小泉同差於功德寺話  
舊

同考分經聽鹿鳴廿年今日話平生看花信宿能無  
急屈指存亡正感情玉液封雲泉溜細金山過雨月  
華明羨公自昔傳家學才望如今老更成

同小泉遊玉泉龍泉看花臺望湖亭諸勝再次  
前韻

寺下珊珊雙竇鳴石間汨汨萬泉生看雲盡日忘言  
坐得我平生遺世情雨過芳林他自得月來空閣爲  
誰明天公侶解遊人意更與新詩一釐成

歸途雨中卽事用前韻

壬辰七月十三日

東村西村亂犢鳴天南天北雨雲生雙雙浴鷺緣何  
事恰恰啼鳩還底情潦潢惡濁愁路滑轂觫見之當  
眼明安得滄浪濯吾足因以從茲尋廣成

贈黃門陳應和奉詔使琉球國

平生遠遊志萬里乘長風飄飄臨倒影高舉臨蒼空  
北至北溟北東至東海東何其形迹滯此願將莫從



大鵬罹羅網戢翼居樊籠之子金閨彥錦繡羅心曾  
文星見眉宇噓氣如長虹又如插六翮翛然凌高空  
自言有遠役秉節飛六龍何以爲前驅雨師與豐隆  
將命遄朱鳥呵護先祝融予聞爲起拜高歌壯其行  
持被戀入直安足爲士雄丈夫志六合豈在寰堵中  
承桂洲公部署觀蓮晚發雙花亭亭以爲聯璧  
之兆用舊韻作詩以慶之

團荷過雨跳珠鳴聯璧盤池弄化生定是孔迦雙兆  
吉交輝蒂萼獨無情從來物大天成晚恰到花光秋  
更明他夜不須求厲火而翁早已擅才名

疊部署觀蓮韻荅未齋兼呈桂洲二公

暫止澆花雨復鳴兩花中著幾先生逢場熱鬧觀無  
相欲語嬌嬈似有情君子比公蓮茂叔隱淪學我菊  
淵明淺紅看過深黃看豈但區區愛節名

爲霍武學請送劉都閩

樓船簫鼓動秋清劍氣寒光下紫冥想得將軍經略  
外時時騎馬看潮生

送曾秋官梧之南畿審刑

秋殺與春生天德普萬物子會好生心大廻造化筆  
荅陳子望諸生求言



陳子屢屢求予言欲言未言意先傳始知無言是至  
教四時百物無非天

題心漁爲錢洪甫乃尊

有心不在漁縱漁亦無心所以直鈎子心與寒潭深  
無心亦無絃吾以忘吾琴

送黃秀卿地官部運西邊

木牛流馬緣何事會計元同一貫心饋餉元功能畫  
一秋風攬轡一沉吟

壽蘊齋翁陳君華誕詩有序

小司馬胡用甫大行人李子良爲予言泰和

省元陳子昌積之賢且請賦詩壽其家君蘊  
齋翁焉予未識陳子之面因二子之言而知  
有陳氏子矣旣而胡李二子以省元來謁予  
客邸道其家君之賢蓋古所謂壽考者也予  
雖未識翁面然而見陳氏之子斯知其家君  
矣二子者以陳氏子問予所以爲壽親之道  
且出其壽圖有九老焉予曰以九老而壽不  
亦可乎老壽之數元得八十三元各得一百  
六十合九老共得千六百有二十焉是亦可  
以壽矣曰未也然則以無窮壽可乎曰可何



謂無窮曰無窮者道也道者與宇宙一者也  
宇宙一斯無筭矣陳子能以此道體于其身  
以壽其家君壽親之至者也九老云乎哉乃  
爲之賦詩一章俾持歸以侑壽觴焉其詩曰  
兩生扣我門請爲陳翁壽開圖見九老個個皆耆舊  
三元百八十共祝千六有叶我壽元無窮充塞彌宇  
宙混沌在我前長庚在我後持以壽陳翁可傳不可  
受不疾亦不徐憤捷看下手弱水幾清淺蟠桃詎三  
就下視南極星日月雙丸走壬辰中秋  
二十一日

次九日送酒韻和未齋兼呈白川二首壬辰

雲液珊珊落夜槽鬱金香動更葡萄樽前南海心同  
遠脚底龍山步欲高古今醉眼還醒眼賢聖清醪定  
濁醪會得南山真意在胸中何病不如陶

曾聽吳姬壓酒槽江南八月熟葡萄川翁走送情非  
淺未老由來興本高響曼清雲非我句愁隨黃菊泛  
誰醪若將詩酒來相擬公是詩陶又酒陶

賀沈氏二母雙壽詩壬辰十  
一月望

沈生情事久未但衷曲區區難向人襁褓命者麟臺  
君守齋仲父爲後昆本生離懷未離乳所後鞠之應  
甚仁一母生之一母成愛根天性俱天經王母孀居



七十零手和熊膽學業精 帝推所自錫恩榮表與  
令尹爲式矜許毋劬勞裂肺腑生男不獲食男報但  
知祖命爲尊嚴不謂終慚矍相團只今垂垂八十齡  
私恩耿耿負中抱秋春之杪雙萱秀壽觥斑衣隨左  
右三月花光照壽筵三秋壽域花更妍二母歡心一  
子盡移治移忠皆性分當今 聖明重孝理 兩宮  
並壽因心起

卽座奉和松洲公臆暮試天文醫生之作壬辰十二月二十七日

經濟無能合固窮校能猶自對兒童身依

北極星辰外志在西山藥物叢西樵也璣琯何由窺造  
化頂門無術起疲癯真聞

聖主頻宵肝肉食如何報鼎鍾

次韻和桂洲公元日之作癸巳正月四日

春光耿耿九天明春意熙熙五鳳城元會君臣須一  
德嵩呼夷夏已同聲不堪舊事論長恨最好新年是  
太平莫以輕陰泥陽道須教釀雪洗天清

次韻和夏桂洲癸巳孟春齋居之作

初春夜氣着人寒坐點更籌夜未開面壁東垣如梵  
寺窺人西月過長安幸逢



聖世寅三禮尚想虞廷命九官賴有公餘大宗伯詩  
筒排日下吟壇

送程舜敷內翰左遷嶺南

道大古難容斯言得無徵子家子叔子不免涪州行  
而子金閨彥

講幄侍傳經一朝喪其朋同義爭死生落官萬里去  
孤鴈渺天青風波蹈嶺海時復立怔營踟躕望北斗  
趨視南極星瞻依石翁像駐楫五羊城

賀張母胡太夫人華誕詩十韻

張太史萊補之之母封太孺人

阿母江陰望神明胤厥先尹門兼二養孟氏自三遷  
未拜慈顏勝占知令嗣賢膽丸開翰學閨範得家傳  
帝錫褒賢自人誇教子然金莖分玉笋珠翟映瑤鈿  
寶籙傳天姥年齡合地仙錦筵雲起處綵服日華邊  
道算千年外真羞五鼎前平生壽親意不以慕彭篋  
已及首夏遂爾尋春與諸同志遊勝泉寺時春  
花已罷遂觀源泉悵然嘯歌偶而成韻

人生百年內僅有百回春若遭萬日劫倏忽成灰塵  
古人愛春光可以怡心神是春無內外天地爲一身  
何哉浴沂子暮春六七人我遊坐遲暮不見春花妍



大夏草木盛生意瀾乾坤何以瀾乾坤四時本同原  
吾以觀源泉嘯歌人不聞

於禮部後堂同諸公會宴衍聖公得賓字

茲會曷為樂所樂在嘉賓素王有哲裔藹藹溫恭入

南宮蔭芳對宛若杏壇春斯文本同家十哲時同與席者汪

夏王許秦顧周張張十八公也集如雲共聞宣聖訓氣義卽同門我

嘗見羹墻况接其賢孫

聖皇重師道俎豆臨成均百工駿奔奏三氏翕然臻

御宴昭殊錫初筵亦繼陳幸逢五百會文物為一新

虛山公追詠丁香桂洲公約賞碧桃次韻奉荅

### 二公

自愛丁香自在香碧桃國色艷新妝眼驚夏事憐春

事倚過南廊又北廊萬劫塵氛愁汨沒三春花鳥廢

篇章明朝約共花間醉放手猶堪累十觴癸巳四月朔

題鄒山人江湖詩舫因以贈之

鄒子談天來隨身帶詩舫何如坐星槎浩蕩銀漢廣

吟弄天嬰懷敲推地勞攘天地我虛舟陰陽盪雙槳

忘言本無詩超諸天機上

賀 誥封廖五洪學士配江安人雙壽歌癸巳夏五月

誰家玳瑁筵初啓金盤露滴瓊瑤髓長庚跨鶴來青



霄王母鞭鸞度碧海壽域弘開瑞氣騰庭闈交映金  
天精主人一仕歸五洪隴上耕賓主仍陰陽合德  
天道成桂芳熊膽流休聲木天紫誥換郎冠珠翟霞  
帔曳絳雲叶門中亦有偷桃兒曾羅星宿劍光寒偷  
桃兒洞野子詞源三峽倒流水洞庭闊豁不可收波  
濤動地春天起我聞壽親之道在顯揚何必盡引洞  
庭爲酒入壽觴無念雙親貽令名直與乾坤配耿光  
送沈大行使山西有事于藩府癸巳六月  
三晉多勝跡唐虞帝王都使君往問之舊俗今有無  
寬簡尚熙皞精一傳執中咨詢如有得歸以獻

重瞳

題松泉圖爲張伯牧中舍

癸巳六月

松泉之圖心外景何以見之稱我心我心自有松泉  
在流地參天萬萬尋

張伯懷舍人素扇面贊

闔闔如變化用舍如隨時欄柄一入手炎涼奪天機  
贈大鴻臚王先生

五色雲中瑞日光朝朝休命對宣揚長搖青珮麗青  
鎖玉韻親承拱玉皇

賀張母季孺人壽七十八華誕歌



吾聞上有天姥星下有天姥山天姥之精下上磅礴  
平兩間正在浙水之東南鎮之南天台之北東海堦  
坤德柔巽毓秀於人寰永嘉張母七十年聖善門中  
有令人王母降神爲後身恢恢壽域開良辰宛如王  
母宴曾孫玳瑁筵琥珀杯金盤之露從天來五綵屏  
帳雲錦裁膝邊戲綵誰令人伯牧賢嗣中書君祿養  
何如善養尊子進一觴我歌一曲爲君申歌中曲曲  
能迴春春意迴轉無窮期萬壽無疆天錫之何必蟠  
桃花實各三千久視兔走與烏飛癸巳七月二十九日  
於張叅議子純亭中看竹

看竹復看竹千枝萬枝綠疏節應虚心元來一根獨  
所以君子稱此君無乃當作如是觀癸巳八月

於劉子所見白鹿山人蔡君詩戲作

白鹿山人白眼多胸中磊砢柰君何昨宵夢語陽明  
月又共天台月底歌癸巳八月

癸巳八月七日承同志諸君於杜氏園亭餞別  
對假山見時芳與松栢交發有感卽席賦此留  
別

大火變朱夏微涼迤秋陰俯睇紅芳叢仰觀松栢林  
感此時節改安得不沈吟自強貴及時流光互侵尋



衆星拱 北極孤鶴遺南音所欣宇宙內萬里同此  
心

友蘭箴

誰能友蘭如蘭之馨何蘭之馨天根之靈荆棘不剪  
倚蘭不榮領惡全好垂之六經

少宰顧未齋學士請同壽其鄉蔣隱君七十華

誕歌癸巳八月九日

蔣生自昔開三徑尔依日月居東華得非大隱在城  
市一壺亦挂壺公家陳留曾聞有市隱虎頭拉我把  
酒杯自茲虎棗與神瓜一月二月來家幹今年八月

上清秋古稀花甲再回頭壽筵壽賓綵雲裏長庚跨  
鶴來交酬仙鶴來飄飄仙人吹紫簫飛空下看凌倒  
影但見人間此樂樂陶陶自不知蟠桃之熟應幾遭  
海屋于今添幾籌

粵峰歌贈鴻臚梁君禹範癸巳八月

粵峰積翠中天浮下看南極南海流手摩空青摘明

月超然更上五層樓即所謂五丈夫立身崇德亦如

此臨深爲高竊所取一善成名止自止太山頂上不

屬太山老夫自力以告諸賢粵峰梁子聽吾言君有

大筆大如椽都城大筆誰擬倫正筆正心非少技擴



此正心天地位天地之位何以云然俯仰高卑徒順  
方圓在一字一字一盡卽一心只此是學程伯子墨  
雨浮雲點太空盡在梁君一日中

走筆書贈倪中舍霄

癸巳八月

集賢學士開弘文中書下筆中書君我看倪君思不  
羣海鶴低迴鳴向人飄然意氣凌青雲

嗟麟篇有序

癸巳九月六日

予之南也過東昌聞東昌頃者產麟或隨爲  
見傷遺骸經時不臭腐如有生氣焉其事甚  
竒感之爲作嗟麟以歸陳侯

嗟麟兮麟兮胡爲乎來哉天精秀爾神地質範其胎  
閃爍三光焰犬馬奔驚駭毛色孕岳瀆鱗鱗波洄回  
吾聞光岳完東昌有遺臺闕里一絲紱千古元經垂  
西狩見折足掩袂爲傷哀理長數何促此事令人猜  
美苗盎初茁雨露須栽培元氣能產斯元氣莫養之  
顏氏不長年孔轍窮流離陳侯治東郡民物一柔懷  
和氣溢四境神瑞爲之來堯文協誠和麒麟遊其陂  
黃霸昔理郡鳳皇鳴喈喈夫何此見傷無乃元氣爲  
旬時若生氣臭腐爲神竒異哉乎麟兮感慨作此詩  
過清源遇兵備齊瑞卿索言贈之

癸巳九月



齊君自昔讀中秘作

天子吏居黃門欲與 天子爭可否天門垂翼久未  
伸稍從粉署飭兵戎飛舸邀我清源東索言相對有  
何說清源水照君心胸 玉皇昨命丞神州虛傳羽  
檄姑淹留軍民一載須借寇天馬安得長凡槽

張水部惠予漿水玉石硯予視之隱有雲氣梅  
幹雙雙侵雲月色照耀走筆短歌謝之癸巳九月十日

過呂

張君惠我漿水硯烟水微茫雲一片又如月色照梅  
稍但色光芒月不見一幹兩幹于青天孿拳根著萬

千年學文須學石間秀美在其中人得傳

走筆送刑部謝主事少南改官北上十月十日

手持三尺法氣噓九天雲豈無造化筆宇宙能迴春

送陳宜山廷尉奉 召北上癸巳十月三日

多年不見宜山子到我來時作別筵三十星霜同榜  
目四千風浪各方天可堪插翅隨鳧翥不盡揮絃送  
鳳騫北斗瞻依意何極貫城應在五雲邊

送胡王客松之北

北風何凌厲送子渡江汀江花與江漲盡是別離情  
癸巳十月廿七翰林舊僚九人作瀛洲勝會於



劉紫巖公宅上依原限韻

久矣不見鍾山青回首星霜五度經過眼風雲徒滾  
滾昔年花柳自形形逢迎主客渾三島高韻寒香載  
一庭若比九人出論吾忝竊東吳應有聚奎星

虞山歌贈陳元習中丞撫南贛癸巳十一月二日

虞山虞山乃在洞庭姑熟之間遥遥東馳到海截吼  
嶂而嵯峨琴川激激以潄潄扶搖清淑之氣鬱積成  
衷和是生魁竒俊特之士何其多就中有如二陳者  
元方季方宜同科長公敷歷遍天下身珮明月胸星  
羅白眼向空思吁咈開口不絕如懸河又如銀漢天

上落崑崙之水千流萬折生層波庖丁十牛中理解  
八面應敵如君何前年知命始添丁聯翩三鳳過徐  
卿始知有子萬事足豈能無官一身輕爾來光祿席  
未暖 命撫南贛連漳汀自古大才當大用丈夫四  
海還經營區區問我借聾盲此去可作咨陽明四省  
夾攻有遺策狡兔三穴失其靈不然亦有智將術威  
風肅肅流先聲如以口舌代斧鉞胸中百萬藏甲兵  
弄兵之徒化赤子歸放牛馬爲農耕洗兵于江湖四  
省見永清神武不殺方來庭

漫題野舫

周星士求之不巳姑答  
之癸巳十一月十五日



周生慣淡天萍蹤隨野舫何如坐星槎浩蕩銀漢廣  
饒舌天泄機信筆地勞攘天地我虛舟陰陽盪雙漿  
無極無始終無貴賤下上

甘泉



